

GARÐURINN

LAUGARDAGUR 26. APRÍL 2014

Kynningarblað Garðtækni hannar garða, skógar á Íslandi og sögulegir garðstólar.



Sigurður J. Leifsson í fallegum garði fjölskyldunnar í efri byggðum Kópavogs. Gufubaðið er til vinstri og sturtan á öspinni í baksýn.

MYNDIR/DANIEL

Léttruglaður garðeigandi

Í efri byggðum Kópavogs hefur fjölskylda Sigurðar J. Leifssonar komið sér vel fyrir og útbúið glæsilegan garð. Þar má finna heitan pott, gufubað, sturtu og mongólskt tjald. Fjölskyldan eyðir löngum stundum í garðinum allt árið með vinum og vandamönnum.

Garðurinn er stór hluti af lífi fjölskyldu Sigurðar J. Leifssonar. Fjölskyldan er búsett í efri byggðum Kópavogs í nágrenni Elliðavatns, á mörkum byggðar og sveitar í friðsælu og fallegu úthverfi. Garðurinn er 1.600 fermetrar að stærð og inniheldur meðal annars niðurgrafinn heitan pott, gufubað og sturtu sem er föst við fallega ösp. Auk þess er þar að finna mongólskt tjald sem Sigurður hlaut að gjöf eftir að tókum lauk á stórmynd Bens Stiller, The Secret Life of Walter Mitty, sem var tekin upp að hluta hérlandis síðasta sumar.

„Við eyðum miklum tíma í garðinum allt árið. Yfir veturinn eru potturinn og gufubaðið mikið notuð. Þegar sumarið kemur dveljum við síðan löngum stundum þar enda mikið skjól hér. Þegar sólin skín er algjör paradís að vera hérna. Við höfum passað okkur að skipuleggja garðinn sjálfan ekki of mikið. Hann er því hæfilega villtur og passar vel inn í umhverfið hér.“

Heiti potturinn er grafinn niður í jörðina sem er ekki algengt hér á landi að sögn Sigurðar. „Einnig höfum við gufubað í garðinum sem er vel falið á milli trjána. Þetta er sannkallað háklassagufubað þótt íburðurinn sé ekki mikill. Við notum það sérstak-



Gufubaðið er falið á milli trjána og laust við íburð.

lega yfir veturinn og það er virkilega ljúft að dvelja þar á köldum vetrarkvöldum.“

Mongólska tjaldið er í garðinum allt árið en mest notað yfir sumarið. „Við notum tjaldið undir matarboð en ég er búinn að smíða stóran pall undir það. Það hefur svo

sannarlega slegið í gegn hjá fjölskyldu og vinum og ófá matarboðin eru haldin þar yfir sumartímann.“

Tíu til tólf manns komast fyrir í heita pottinum en samt sem áður ætlar Sigurður að stækka við sig. „Maður er auðvitað léttrugl-



Búið er festa sturtu við fallega ösp í garðinum.

aður. Við ætlum að setja niður nýjan pott strax og veðrið skánar og þá komast fleiri fyrir. Það gefur bara fleirum kost á því að liggja í kvöldkyrrðinni og skoða stjörnurnar og norðurljósin. Frísið í hestunum í næsta húsi gerir aðstæður síðan enn náttúrulegri.“



Kristján segir hægt að venja og móta ólíklegustu plöntur ef kunnáttan er fyrir hendi. Plantan lengst til vinstri er himalajaeinir, skriðplanta sem Kristján vandi á mörgum árum svo að hún vex upprétt.



Mispill sem Kristján ræktaði og klippti í hátt og mjótt hekk. Með rétttri tækni við klippingu verður það afar þétt og laufmikið og veitir mikið skjól.



Fá og falleg tré eru grundvallarregla í garðyrkju segir Kristján.

Fá tré en falleg

Garðtækni tekur að sér alhliða hönnun garða. Kristján Vídalín Jónsson skrudgarðyrkjumeistari segir möguleikana nánast óþrjótandi þegar kemur að mótun runna og trjáa í gördum ef kunnáttan er fyrir hendi.

Við bjóðum heildarhönnun á gördum, hellulagnir, vegghleðslur, arinhleðslur og pallasmíði, auk runna- og trjáklippinga,“ segir Kristján Vídalín Jónsson skrudgarðyrkjumeistari. Hann rekur fyrirtækið Garðtækni, ásamt Sævari Vídalín húsasmíðameistara.

Kristján segir fagkunnáttu þurfa að koma til þegar móta á runna og tré svo vel sé og að möguleikarnir séu nánast óþrjótandi.

„Fólk er oft með góðan efnivið í garðinum en kann ekki að fara með hann. Við lesum í garðinn með viðskiptavininum og útlitum eiginleikana sem hver planta hefur upp á að bjóða. Það er hægt að gera ótrúlegustu hluti úr nánast hverju sem er,“ segir Kristján og nefnir dæmi:

„Yllir er plássfrek planta sem yfirleitt verður til ama. Við höfum getað klippt hana í einstofna tré svo fólk þekkir hana ekki fyrir sömu plöntu. Eins höfum við náð að venja himalajaeini, sem er skriðplanta, á að vaxa upprétt. Það má temja og venja plöntur eftir kúnstarinnar reglum með kunnáttu og rétttri tækni en það getur tekið mörg ár. Á nokkrum árum náðum við einnig að móta hátt og mjótt hekk úr mispli. Hekkið er 30 sentimetrar á breidd neðst og yfir 2 metrar á hæð en með rétttri aðferð verður mispillinn þéttur og laufmikill og veitir mikið skjól.“

Meðal verka Garðtækni er útiarinn sem Kristján segir ekki eiga sér sinn líka á Íslandi.

„Þetta er fyrir þá sem vilja sitja við eldinn úti á síðkvöldum og njóta



Kristján Vídalín skrudgarðyrkjumaður og Sævar Vídalín húsasmíðameistari við útiarinn sem þeir hlóðu. Bæði er hægt að sitja við eldinn og njóta ylsins og grilla mat í arninum. „Svona arinn hefur ekki verið gerður áður í íslenskum garði,“ segir Kristján.

hitans. Það er tiltölulega einfalt að setja upp slíkan arin óháð stærð garðsins en þessi er stór og staðsettur þannig að hægt er að horfa í eldinn innan frá íbúðarhúsinu sjálfu,“ útskýrir Kristján.

„Önnur nýjung sem ekki hefur verið útfærð áður í íslenskum garði er lýsing í glervegg kringum pall. Lýsingin skilar sér skemmtilega niður í gegnum glerið þegar skyggja fer og við smíði pallsins notuðum

við einnig óhefðbundnar aðferðir en pallurinn er festur niður með spennum svo engar skrúfur sjást.“

„Til að fá enn frekari karakter í garðinn völdum við hvítan hleðslustein undir glervegginn og sérgerðar terrosol-hellur í kring. Þá höfðum við engin horn rétt þar sem garðurinn er lítill og þannig nýttist rýmið best.“ Hafa má beint samband í síma 896 6655. Garðtækni er einnig á Facebook.



Pallurinn er girtur af með glervegg með lýsingu í handriðinu. Hleðslusteininn og hellurnar voru sérvaldar til að spila með glerveggnum. Pallurinn er smíðaður þannig að engar skrúfur eða naglar sjást.



Lýsingin skilar sér fallega niður eftir glerinu þegar skyggja fer. Slík lýsing hefur ekki áður verið útfærð í íslenskum garði að sögn Kristjáns.



limtrevirnet.is



Bjóðum vætuna velkomna

Hjá Límtré Vírnet færðu hinar traustu og fallegu Lindab pakrennur.

 **Límtré Vírnet**

Aðalnúmer: 412 5300 | Söluheild: 412 5350

Aðalskrifstofa – Borgarbraut 74 – 310 Borgarnes
Söluskrifstofa – Vesturvör 29 – 200 Kópavogur
Netfang – sala@limtrevirnet.is

VÍNGERÐ ÚR RABARBARA OG BERJUM

Veigar garðsins er yfirskrift námskeiðs sem Garðyrkjufélag Íslands stendur fyrir á mánudaginn. Fjallað verður um sögu, ræktun og nýtingu rabarbara og víngerð úr rabarbara hérlandis frá lokum 19. aldar og til dagsins í dag. Einnig er kennd víngerð úr berjum sem vaxa hérlandis, svo sem rífs- og sólberjum og krækiberjum, að ógleymdu fíflavíni. Þá verður fjallað um heimagerða snafsa og líkjöra, sem auðvelt er að útbúa. Lífrænt eða vistvænt ræktað og heimagerð úr garðinum er og var hluti af sjálfbærni í íslensku samfélagi.

Skráning á gardurinn@gardurinn.is en námskeiðið hefst klukkan 18, mánudaginn 28. apríl. Nánar á www.gardurinn.is

Útgefandi: 365 miðlar ehf., Skaftahlíð 24, s. 512 5000

Umsjónarmaður auglýsinga: Bryndís Hauskóttir, bryndis@365.is, s. 512 5434
Ábyrgðarmaður: Jón Laufdal.



GLEÐILEGT SUMAR



STEINSÖGUN • BORUN • BROT

- *Jarðvegsvinna • Steypusögun*
- *Kjarnaborun • Múrbrot*
- *Húsaríf • Hellulagnir*
- *Þökulagnir • Pallasmíði*

Öll almenn verktakavinna



Brotafl ehf • Símar 894 8040 - 894 8044
brotafl@simnet.is • Fax 565 0050



LYKTAR EINS OG FISKUR

Stærsta blóm heims ber fræðiheitið *Amorphophallus titanum* en kallast risakólfur á íslensku. Hið risavaxna blóm plöntunnar vex út úr stórum jarðstöngli sem getur vegið allt að áttatíu kíló. Blómstillkurinn sem liggur fyrir miðju blómsins getur orðið á þriðja metra á hæð og mælist blómið yfir einn metri í þvermál. Risakólfur blómstrar stöku sinnum í grasagörðum og þykir það merkur atburður. Blómgunin stendur aðeins yfir í tvo til þrjá daga.

Þegar plantan er í fullum blóma gefur hún frá sér lykt sem minnir helst á úldinn fisk. Með því er hún að reyna að líkja eftir lykt af rotnandi dýrum og laða þannig að skordýr sem verpa eggjum sínum við slíkar aðstæður. Skordýrin, sem eru ýmsar bjöllur eða flugur, bera svo frjókornin á milli plantna þannig að frjógvun á sér stað.

Heimild: Vísindavefurinn



Furulundurinn í Almagnagjá.

MYND/SKÓGRÆKT RÍKISINS

FJÖLDI SKÓGA Á ÍSLANDI

Á Íslandi er fjöldi skóga aðgengilegur almenningi. Skógrækt ríkisins á eða hefur í sinni umsjón 53 þjóðskóga. Skógarnir eru opnir öllum og eru um allt land að undanskildum Vestfjörðum. Í suma er auðvelt að komast, annars staðar þarf að hrossast í öflugum jeppa eða ganga upp bratta hlíð.

Fyrsta árangursríka skógræktartilraun á Íslandi var gerð á Þingvöllum, í Furulundinum í Almagnagjá. Á Þingvöllum er víðáttumikið birkiðjarr en einnig nokkrir gróðursettir skógarlundir. Frægastur þeirra er Furulundurinn. Þar var fyrst gróðursett 1899 og er Furulundurinn því einn fyrsti gróðursetti skógurinn á Íslandi. Aðrir lundir á Þingvöllum voru gróðursettir af ýmsum hópum eða tilefnum, t.d. Norðmannareitir og reitir Vestur-Íslendinga sem eru gjafir til íslensku þjóðarinnar. Skógrækt ríkisins hefur umsjón með skógunum á Þingvöllum.

Vinsælir sólstólar

Tekkstólarnir sem voru um borð í farþega-skipinu Titanic þegar það sökk fyrir rúmum hundrað árum eru afar vinsælir á veröndina. Eftirlíkingar stólanna má fá víða en þá má leggja saman svo lítið fari fyrir þeim. Stólarnir eru sögulegir en aðeins eru til örfá eintök af upprunalegum Titanic-stólum og eru þau á söfnum, til dæmis í Halifax. Flestir stólarnir sukku með skipinu en þeir voru 614. Það var fyrirtækið R. Holman & Co. sem framleiddi stólana fyrir Titanic. Aðrir stólar sem hafa verið vinsælir á verandir og víða á ströndum eru fellistólar með léttu áklæði. Þeir voru upphaflega einnig

hannaðir til að vera á þilfari skipa. Stólana er hægt að leggja saman með einu handtaki svo lítið fari fyrir þeim og stafla þeim upp, sem þótti handhægt ef veður breyttist snögglega á hafi úti. Stólarnir eiga sér langa sögu sem nær aftur til Egyptalands hins forna. Stólarnir voru ómissandi á þilförum farþegaskipa um miðja nítjándu öld, bæði í Bandaríkjunum og á Bretlandi. Í upphafi tuttugustu aldar fóru stólarnir að sjást í skemmtigörðum á Bretlandi og á íþróttaleikjum.



GARÐA Smíði

- PALLAR • SKJÓLGIRÐINGAR • HELLULAGNIR • GRJÓTHLEÐSLUR
- TRJÁKLIPPINGAR • GARÐAÞJÓNUSTA
- sími 899 5700 • www.gardasmidi.is